

آبونه شرائطی : هریر ایچون
سنه لکی (۲۷۵) آلتی آیلانی
(۱۵۰) ممالک اجنیه ایچون
سنه لکی ۳۲۵ غروشدور.

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولماز .

الکتابخانه

۱۳۳۰

آدرهس تبدیلنده آیریجه
۵ غروش کوندورلمیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندورلدیکی زمان نهیه
دائر اولدینی ییلدیلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

غریبایر شخص مناقشہ لری

غرب مدینتی بر کل عدا یدرک محاسنی ایله برابر نقایص و مساویستی ده یلاقید و شرط قبول ایتک مجبوریتده بولوندیغمز دعواسنی ایلری سورن [۱] آغاوغلی احمد بکک بومسئله دناثر انقره دن وطن غزته سنه کوندردیکی مقاله لر اوزرین غریبایلاشمق حقننده استانبول مطبوعاتنده بر مناقشه آچیلدی. اوتهدن بری شمعائر دینیہ و ملیہ بی مدافعه ایتکده اولان توحید افکار رفیق محرم آغا اوغلنک بو غریب دعواسنک نه قدر چوروک اولدیغنی بک کوزل اثبات ایتدی. اخلاق مسئلہ لرینہ بک زیاده اهمیت ویرن اقدام صاحبی احمد جودت بک ایتدی ده آغاوغلی احمد بکک :

« غریبایلاشمه بی کیمدن ایسته یورسکز ؟ حکومتدن می ، افراددن می ؟ حکومت ناصیل غریبایلاشیر ، افراد ناصیل غریبایلاشیر ؟ تورکارده و تورکیاده غریبایلاشمه نه کبی مانع لر کور یورسکز ؟ بومانع لرک ماهیات نه دن عبارتدر ؟ » دییه بعض سؤالر توجیه ایتدی و بونلره آجیق جواب ویرمک لازم کلدیکنی سوبلیدی. هر نه دنسه آغاوغلی آره دن خیلی وقت کچدیکی حالده هنوز بوسؤالره جواب ویرمدی .

وطن غزته سنک صاحبی احمد امین بکک ده :

« اک جدی و مناسبه غریبایلاشمق دیمک ، غرب مدینتی وجوده کتیره ن اساسلری و شرائطی و بونلرک حصوله کتیردیکی یوکسک نتیجه لری حیائمه موقی دیمکدر . اک بویوک اساس ایسه مملکت مزده اصغری احتیاجلرک فوقنده برمادی مبدولیت سوبه سی وجوده کتیرمکدر . »

کبی الاستیک بر افاده ایله بوجخته قاریشیدی . احمد امین بک (مشترک غزته) ده نشر ایتدیکی ایکنجی بر مقاله ده ایسه آغا اوغلنک دعواسنه آچیقدن آچیغه معارض بر وضعیت آلدی :

« غریبایلاشمق بزم آکلما ماز لازم کلن معنی ، صوک عصرده کی تجاری و صناعی انقلابلرک بالخاصه غرب مملکتلرندہ حصوله کتیردیکی متکامل مساعی اصوللرینی ، محیطه حاکیبتی تأمین ایدن تجهیزاتی ، علمی ، معرفتی کنده مزه اساسی بر صورتده مال ایتکدن باشقه برشی اولاماز. آکلما ماز لازم کلن معنادہ ، غرب مملکتلرندہ موجود بعض تردی علامت لرینی غرب مدینتی عدا ایتکدر. » احمد امین بک ، اجتماعی حیاتک نام بر آنا رشی ایچنه دوشدیکنی ، حیائمه یکی بر نظام اجتماعی ویرمک لزومنی قید ایتد کدن صوکره دییورکده : « اوله بر نظام که سطحی و کور کورینه بر تلید محصولی اولاسین ، غرب مدینتک بوتون این جهتلرینی قبول ایتسین ، فقط کنده مزه عائد بریتلری و ملی و دینی هویتی استخفاف ایته سین . »

ایشته اصل مسئله بوراده در . بر هویت دینیہ و ملیہ مزنی محافظه ایدرک غریبدن یالکمز علوم مثبتہ و صنایع کی مادی شیلرمی آله جغز ؛ یوقسه آغا اوغلی احمد بکک دیدیکی کی ایستی کونوسنی آیرمایه رق مادیاتله برابر غریبک اجتماعی ددی آله جغز ؟

احمد امین بک آنجق هویت دینیہ و ملیہ مزنی استخفاف ایتمین مادی شیلرک آنفسنی سوبلورکده بو اساسده بزده کنده یسینه برابرز

[۱] تورک یوردی مجموعه سنده .

و - سائق نه اولورسه اولسون - بویله حق و حقیق سوبلیدیکندن طولانی کنده سنه تشکر ایدرز .

مع مافیه (دینی و ملی هویتی استخفاف ایتمه مک) مسئله سی ده درلودرلو تفسیر اولونه بیلیر. مثلاً ارککله قادینلرک برلکده تیارولره ، سینه مالره کیتملری ، یان یانه اوطورملرینی دینی و ملی هویت ایله استخفاف میدر ، دکلیدر ؟

کچنلرده احمد امین بک نشر ایتدیکی بر مقاله لرندہ « ارککله قادینک برلکده تیارویه کیدیلسی اخلاقه بک موافق برشی اولدیغنی ، بونی اخلاقه مغایر عدا ایدنلرک عاطل دماغلر اولدیغنی ، کولکشمش ذهن اعتیادلرینی بر آن اول قیرمق لازم کلدیکنی » [۱] سوبلشیدی. عجیبا ارککلرله قادینلرک برلکده تیارولره کیتملری (دینی و ملی هویت ایله استخفاف) دکلیدر ؟ بزجه بوندن بویوک بر استخفاف اوله ماز . بو، مسلمان اولان ملتیزک شعائر دینیہ و ملیہ سنه اک بویوک بر تجاوزدر. نیتہ کیم ملتیز ، خلقمز بواحوالدن بک زیاده منفعلدر . حال بوکه احمد امین بک بونی شعائر دینیہ و ملیہ یه مغایر عدا ایدنلری « عاطل دماغلره » دییه توصیف و تحقیر ایتشیدی . شو حالده (دینی و ملی هویت) دن احمد امین بکک مقصدی نه اولدیغنی لطفاً ایضاح ایتلمی اقتضا ایدر .

کورولیورکده یالکمز (دینی و ملی هویتی استخفاف ایتمه مک) سوزینی سوبلامک کافی دکلدر . بویک طوغرو اولان اسلک بوتون حیات اجتماعی اسلامیه مزده ریاسمز ، نفاقمز ، صمیمی بر صورتده تطبیق ایدیلسی ایجاب ایدر . آنجق بو بولدرکده فلاح و نجات یولیدر . بونک خلافتده اولان یوللر ضالالان باشقه برشی دکلدر ، که زمان زمان بوجریانلر نه قدر قوتلی کورونورسه کورونسونلر مطلقاً عقامته محکومدر. نیتہ کیم احمد امین بک ده غریبایلاشمه جزیانلک بک مبتذل بر حاله کلدیکنی کوردیکی ایچون « کونک برنده عکس العمل حاصل ایتمسی بک ممکن اولدیغنی » نظر دقنه وضع ایدیور . احمد امین بکک استقبالی کورمک خصوصنده کوزی بک کسکیندر . بوکا اعتماد ایتک لازمدر . غریبایلاشمق تضییق آلتنده روح ملی چوق ازیلیور . بالطبع بر ملتک حسیاتیه بو قدر اویناماز. البته برکون بونک بر عکس العمل حصوله کتیره جکی طبعیدر . غریبایلاشیورز ، دییه بوکون شوراده بوراده یاپیلان رذائلر صوک حدینه واردی . لو اتسین روحی بر شردمه نک ملتک دینته ، ملیته ، حسیاتنه قارشى تجاوزی آرتیق تحمل ایدیله میه جک حاللره کلدی . شوراده بورادکی بالولره بر طاقم مسلمان قادینلری کوکسلیرینه قدر آجیق صاحبیق ده قولته قیافتلره کیدیور ؟ مسلمان ، خریستان ، یهودی راست کلدیکی هر هانسی برارککله یوزلرجه ، بیکلرجه آدامک حضورنده قوجاق قوجاغه دانس ایدیور . بر طاقم قادینلر آرتیق حجابی آیاقلر آلتنده چیکنه یوللر . مملرینه قدر کوکسلیری ، قولنوقلرینه قدر

[۱] وطن نومرو ۶۴

رهبرك ایدیله بیلیر. یه قسه خلقك عنعناته قارشى اعلان حرب ایدن، حسیاتی رنجیده ایتمکدن ذوق آلان مطبوعاتك سوزینه خلقك ذره قدر اهمیت و یرمه چکفی، برکون بوطاشقینلارك عکس العمل حصوله کتیره چکفی بیلملیدر.

غربلیلاشمق علتنه طوتولانلرک بمضمرلری مضمحلری اظهاریتمشلسده بر قسمی بونی تهلمکلی کوریور؛ افکار و مضمراتی آچیقدن آچیقه غرته لرده یازوبده خلقك افکارینی تهییج ایتمکدنسه فعلی صورتده غربلیلاشمه بک یوللری طوتمق، مطبوعاتده بالعکس خلقك آمال و حسیاته عماشاتکار کوروتمک فکرینی تعقیب ایدیورلر. فقط طاشقینلرک جرأتکارلری غلبه چالیور، ملتک اجتماعیاتنه و اخلاقه قارشى قیلرنده بسله دکاری بغض و عداوتی آغزلرندن طاشیریورلر.

بالطبع بوتون مضمحلرک اورتیه دوکولسی ملت ایچون دها فائده لیدر. سور و کلتمک ایسته دیکی یولک نه اولدیغی کورملیدر. اونک ایچون غربلیلاشمق طرفدارلرینک نشریاتی تهییج ایله دکل، سرین قانلیقله قارشولامق ایجاب ایدر.

رېفستانه قهرمانلرېنك استمدادی

بو هفته، مصر طریقله، رېفستان قهرمانلرېنك صدای استمدادی محیطمزدده دیولدی، قوجه اسپانیانك مملکتلرینه مسلط اولان استیلا اوردولرینی زیر و زبر ایدرک بوتون عالمه قارشى بو دولتک جبروتی چیکنه یین ریف قهرمانلری اسلام عالمندن و علمدار اسلام اولان تورکیان یاردم طلب ایدیورلر. طلب ایتدکلری یاردم، هلال احمر صحی هیئتلری اعزامندن عبارتدر. بو وظیفه غرایب ایفایه شتاب ایتک اسلام عالمئنک و اسلام عالمئنک رهبری اولان تورکیانک بورجیدر. بر طرفده اسپانیا کی یکریمی میلیونلق نهوسلی بر مملکته قارشى (رېفستان) ک اعظمی ایکی یوزبیک مسلماندن عبارت اولان قهرمان خلقی استقلال و حریتی ایچون مجاهده ایدیور و اسپانیانك عظیم ثقلى آلتنده ازیله چکی یرده مهادی ظفرلر احراز ایدرک اسلامك آلتی آغارتیورکن اسلام عالمئنک بومعظم، بونی نظیر مجادله یه قارشى لاقید قالماسنه امکان یوقدر. تاریخده امثالهنر، و بوتون دنیانک جبریتی، تقدیری موجب اولان، عمومی تاریخک و بالخاصه تاریخ اسلامك الك شانلی محافنده الک یوکسک موقعی اشغال ایدم چک اولان مجاهده ملیه من شوایکی یوز، اوج یوز بیک مسلمانک یکریمی میلیونلق اسپانیایه قارشى وقوع بولمقده اولان مجاهده غضنفرانه سیله مقایسه ایدیلنجه بک نامساعد شرائط آلتنده وقوع بولمش عد اولنه بیلیر. یکریمی میلیونلق بر کتله یه قارشى ایکی یوز، اوج یوز بیکدن عبارت بر خلقک احراز غلبه ایتمه سی، یکریمی

قوللری آچهرق سواقلرده فریح فخور کزیورلر. بیراخانه لره، میخانه لره کیدرک علناییرا، راقی ایچورلر. مهرانکی اجنبی رضایطی قولنه آله رق بک اوغلی جاده سنده سلمه السلام طولاشه بیلورلر. اون بش یکریمی یاشنده کی قیزلر باشلرینه شابقه کیورلر. تیارودن تیارویه، سینه مادن سینه مایه قوشهرق ذوقدن، اکلنجه دن، سوسدن، زینتدن، سواقده کی ارککلرم خوش کوروتمکدن باشقه بر شی دوشوندکلری یوق. بر قسم ارککلرده بک اوغلند، شوراده بوراده روس قیزلرینک پشنده؛ میخانه لره، بیراخانه لره، بارلرده سفاهتک انواعی ارتکاب ایدیور. (بک) رنجتمنده ایچنده روس قیزلری خدمت ایدن استمبوطلرک یکریمی درت ساعتی یوز یکریمی لیرایه کیرالانیور. قمار خانه لره بوتون ملی ثروتلر محو اولیور، اجنیلر آله کچور.

ایشته غربلیلاشمه بک استانبول حیانتده تجلیسی بویه اولدی. آناتولیده ملت جایله باشیله اوغراشیرکن بوراده غرب پرست برشرذمه غربیلرک اشغالی آلتنده بویه بر (انقلاب اجتماعی) یامقله مشغول اولدی. ایشته عاقبت استانبول حیات اجتماعیه سنده بوکونکی الم و فحیح تردی حصوله کلدی. بر قسم لوانتین روحلی کیمسار جرأتی اودرجیه قدر کتیرذیلرک تورک قیزلری شانولره چقارمق سوداسنه قدر دوشدیلر.

بالطبع بو احوال بویه دوام ایدم چک دکلد. ملتک اجتماعیات، اخلاقیاتی، شعائر دینه و ملیه سی ییقه رق بر (انقلاب اجتماعی) حصوله کتیرمک ایسته یئرک غربلیلاشمق نامی ویردکلری بو جریان سفاهتک بر عکس العمل حصوله کتیره چکی، هویت دینه و ملیه یی محافظه ایچون فضیلتکار بر جریان ملینک تیلر ایدرک بوتون بوضالاتلره، تردیلره، فرینکشمه لره نهایت ویرم چکی طبعیدر. زیرا بوکیدیشه بو ملت یاشایاماز. معاذالله بو احوالک تعمیم ایتدیکی کون ارتیق بوملتنن خیر قالماز. برکت و برسون که آناتولینک روحی رسالت و صلابت اجتماعیه سی محافظه ایتمکده در. وان شالله آناتولی بو تردی و سقوطدن روح ملینک مصون قالمسی تأمینیه موفق اوله جقدر. بو خصوصده بونوک ملت مجلسنه مهم وظیفه لر ترتب ایتمکده در. بالخاصه شرعیه و کالتنک بومهم مسائل ایله اوغراشمسی اقتضا ایدر.

بو خصوصده مطبوعاتده مهم وظیفه لر ترتب ایتمکده در. بعض غرته لره «عنعناته قارشى متحد جبهه قوره لم» کی مناسب سوزلری خلقك حسیاتی رنجیده ایتمکدن باشقه هنیچ بر نتیجه ویرمن هانکی ملتک عنعناته قارشى متحد جبهه قوریورسکیز، افندیلر؟ منسوب اولدیقمز ملت قارشى بو قدر صایغیمزلق، بو قدر حقارت روا کورولمز. مطبوعات دوشن وظیفه ملتک عنعناته، حسیاته قارشى حرمتدر. آنجق بو صورتله در که خلقه